

國

朝

列

卿

紀

國朝列卿紀卷之七十五

國初都察院左右副都御史年表

趙

仁

山東兗州府寧海縣人
人才洪武十七年任右

藍子真

江西吉水人薦舉
洪武十七年任右

曹九臯

山西路州人秀才
洪武十八年任左

唐

鐸

直隸鳳陽人元末從
龍洪武十八年任右

岐

亨

山西解州人薦舉
洪武十九年任右

齊

魯

河南嵩縣人薦舉
洪武二十年任左

凌

漢

詳本院右都御史洪
武二十一年任右

韓宜可

浙江會稽籍山陰人歲
貢洪武二十三年任左

表

泰

詳右都御史洪武二十三年任左

茹

瑞

湖廣衡山人歲貢洪武二十三年任右

周志清

二十四年任右
人洪武

凌

漢

見前洪武二十五年再起任右

李

鎬

山東清平人洪武中舉文學二十六年任右

曹

銘

詳左都洪武二十七年任左

張

志

河南尉氏人歲貢洪武二十八年任右

鄭楚

瞻

浙江崇德人薦舉洪武三十年任右

馬

恭

直隸唐縣人舉人洪武三十年任左

茅大芳

直隸泰興人儒士

革除元年任右

練子寧

江西新淦人榜眼
革除三年任左

陳瑛

詳本院左都御史
革除四年任左

黃信

江西彭澤人貢士
革除四年任右

李濟

陝西朝邑人洪武庚子
鄉舉永樂二年任右

劉觀

詳本院左都御史
永樂二年任左

李慶

順天順義人生員
永樂四年任左

虞謙

直隸金壇人永樂
七年任右尋左

王彰

詳右都御史永
樂十年任右

國初都察院左右副都御史行實

趙仁字

山東兗州府寧海縣人洪武初以人才薦舉授五

軍都督府斷事審獄平允爲

上眷知洪武十七年定設都察

院陞右副都御史佐理院事與左都詹徹並振風紀十八年陞
兵部尚書詳國初兵部

藍子真名純以字行江西吉水縣人洪武十七年以才學薦舉
天下第一授都察院右副都御史繩愆糾繆百僚畏憚尋以方
直爲衆所忌免官

曹九臯字

山西潞州人洪武初舉秀才

洪武十八年陞都察院左副都御史二十年卒於官

唐鐸字振之直隸鳳陽縣人元末從征累官刑部兵部尚書改
諫議大夫以事降監察御史洪武十八年陞都察院右副都御
史十九年再陞刑部尚書詳國初兵部

岐亨卽岐祖訓山西平陽府解州人洪武初年以賢良方正舉
洪武十九年陞都察院右副都御史二十一
年以年老致仕

齊魯字

河南嵩縣人洪武中舉賢良方正歷

洪武二十年陞都察院左副都御史二十三年以事
凌漢詳本院右都御史洪武二十一年任右副都二十五

起左副都御史

韓宜可字伯時浙江紹興府會稽縣籍山陰縣人元至正間行
御史臺辟爲幕掾毅然拒之 太祖初郡縣以歲貢薦授山陰
縣學教諭尋轉楚府錄事洪武十年拜監察御史持風紀不避
權勢十一年左右御史陳寧胡惟庸中丞涂節侍坐 上從容
燕語宜可直前長跪出懷中彈文劾陳寧胡惟庸涂節險惡如
忠奸佞似直恃功怙寵內懷反側擢置臺端擅作威福乞將三
人斬首以謝天下 太祖怒曰三人事朕盡職豈有反側之心
快口御史排陷大臣着錦衣衛監問尋釋之出爲江西按察司
僉事時官吏有罪笞以上悉屯鳳陽毋慮萬數卽上疏論刑以
禁濫慝一民軌合論其情之重輕事之公私罪之大小而施舍

之今官吏有罪不問公私而悉屯鳳陽小人之幸君子殆矣乞分其公私以合輿情 上可之命定於律卽今律所載者十三年歸朝 京師 上賜沒官男女散入諸司爲奴婢宜可不受且以爲非聖人政卽上疏極論罪人不孥古之制也有事隨坐法之濫也官吏有罪厥辟勿宥國之典也罰其妻子何居況男女人之大倫姻婚踰時尚傷和氣合門連坐豈 聖明所宜此必有以夫榮妻子享其樂夫旣犯典章當隨坐以重其罰進說者豈盛德之事聖人仁政之宜行哉乞除之天下幸甚 上曰汝言是著爲令後坐事將辟 上御謹身殿鞫之時天朗氣清忽雷火遶殿 上驚而言曰得非枉此人乎雷乃息宜可獲免

封二十餘事皆報可未幾以例罷歸十九年行取到京命撰祭鍾山大江文諭日本征烏蠻詔作堯舜禹湯傳賢論昏稱旨特除山西右布政使二十一年以事安置安南二十三年以翰林院檢討陳性善薦其德行文學再起爲雲南叅政尋陞都察院左副都御史在臺以鋤奸顯忠爲已任百寮悚惕不敢犯未幾卒於官時大星墜地櫪馬皆驚人以爲應宜可云表泰詳右都御史洪武二十三年任左

茹瑞字

湖廣衡山縣人洪武中由歲貢入國子監敍用擢

吏科給事中十五年陞通政司叅議十七年陞左通政善於其職詔復其家二十年累陞通政使洪武二十三年陞都察院

右副都御史二十四年陞兵部尚書詳國初兵部

周志清字

人洪武中薦舉二十四年由大理

寺卿改都察院右副都御史二十五年遷刑部侍郎詳國初戶

部

李鎬字

山東清平人洪武中薦舉文學

洪武二十六年陞都察院右副都御史二十八年以事免

曹銘詳左都洪武二十七年三月以大理右少卿任左副都御

史

張志字

河南開封府尉氏縣人洪武中由歲貢入國子監

選監察御史有氣節遇事敢言二十八年陞都察院右副都御

史三十年免歸

鄭楚瞻字

浙江嘉興府崇德縣人洪武二十年以學衣舉

薦三十年陞都察院右副都御史革除元年以年老致仕

馬恭字

直隸保定府唐縣人洪武癸酉鄉舉入國子監三

十年以公差沿邊查軍伍稱 旨特擢都察院左副都御史革

除二年以事免

茅大芳字

直隸揚州府泰興縣人自少穎敏得家學工詩

文爲宗黨所重父友嘉興陳堯道嘗寓之詩有計爾生年今二
十每懷聰慧奮無如陸機此日能爲賦賈誼何時復獻書之句
洪武中以儒士應辟典教淮南考績入 朝太祖召對而悅之

擢秦王府右長史。內出制詞褒美且勉以董子輔相德業等語。賜賚期待之者甚寵。大芳以爲特受隆遇。懼無以稱。益用感激。在王左右諫諍。彌綸得大臣體。未踰年。秦國稱治。因大書揭其正堂曰希董之堂。以彰聖訓。且著其志。方孝孺記之。稱其志意偉然。深有得於正誼明道之旨。革除元年。擢右副都御史。吏部左侍郎。及靖難師起。憤國命日蹙。嘗以詩寄滄南守將梅殷。慷慨激烈。聞者壯之。詩曰。幽燕消息近如何。闢道將軍志不磨。縱使火龍燔地軸。莫教鐵騎過天河。關中事業蕭丞相。塞上功勛馬伏波。老我不才無補報。西風一度一悲歌。蓋北兵起爲鐵鉉等所拒。尙未渡淮時也。成廟臨御。得所作詩八

日坐奸黨不屈與其子順童道壽皆戮於市永樂四年十二月
幼子文生亦伏誅

練子寧名安以字行江西臨江府新淦縣人父伯尚洪武初任
起居注以直言忤 旨出爲廣德州同知調汀州鎮安二府通
判卒於官子寧性英邁不凡幼從鄉長者竹庄先生游竹庄命
賦水竹居歌卽有千山暮雨石泉通一夜春雷籜龍長之句竹
庄大異之後游邑庠與金幼孜相友善嘗謂之曰子後必爲名
臣吾當爲忠臣洪武甲子領鄉薦明年對 大廷極言朝廷今
日用人徇其名而不求其實以小善而遽進之以小過而遽戮
之因力疏古人所以教養任用之道言甚剴切 太祖嘉之擢

置第二名進士及第授翰林修撰子寧益以名節自砥礪由是聲望蔚然中外咸以文學行義稱之滿三載丁母憂杜門屏跡力行古喪禮服闋仍除修撰建文帝立用廷薦拜吏部左侍郎子寧進賢退不肖多所建白革除三年辛巳罷都察院典刑獄改爲御史府如唐宋御史臺故事職專糾察子寧初調都御史四年靖難師起日夕畫策防禦曹國公李景隆奉命出師至北方密通欵藩府贖國喪師謀秘未露子寧一日於朝班內執景隆陛前數之曰景隆以功臣子兼至戚爲上公奉命出師朝廷何負於汝汝乃敢謀叛姦邪不忠請速加誅建文帝不聽子寧叩頭大呼曰賣陛下者必此賊臣備員執法不能除奸請

先伏誅。上不樂罷朝。比師渡淮。廷中倉皇失措。靖江王府長史蕭用道。衡王府紀善周是修。上書論大計。指斥用事者。誤國書下。廷臣齊黃輩怒詬兩人。子寧從旁沮之。曰。國事至此。吾與公輩罪不可逃。尚怒言者乎。顧所論吾過有則改之。無則加勉耳。訴者愧而止。成廟卽位。李景隆於上前必欲殺之。詔治奸黨。子寧不屈極詆。上不忠孝。遂族誅。吉水錢習禮以練氏姻戚未及逮。旣官中朝。恒爲鄉人所持。心懷憂懼。以告學士胡廣。楊榮二人乘間爲上言之。上忻然曰。使練子寧今尙在朕固當用之。况習禮卽日下令禁止。子寧與侍講方孝孺嘗稱其多學而甚文。後同知王佐傳其遺文一帙。序而名之曰金川玉。

屑集提學副使李夢陽始命有司梓之又立金川書院祀其父
子名其堂曰浩然而刻名記焉近吉人陳德文復梓其集且爲
作傳云

陳瑛詳本院左都御史革除四年任本院左副都御史

黃信字

江西九江府彭澤縣人洪武中貢士入國子監歷

事兵部選擢監察御史以才能陞廣西按察使革除二年改湖
廣按察使四年成祖入正大統召陞都察院右副都御史理
院事永樂元年以漏泄獄情伏誅

劉觀詳本院左都御史永樂二年由戶部右侍郎改左副都

史

李濟字■陝西朝邑人洪武庚子鄉舉永樂二年任右

李慶字德孚順天府順義縣人洪武末年以生員入大學靖難
初命署右僉都尋出守紹興累官刑部右侍郎永樂二年以
憂去四年起復改都察院左副都御史理院事遇事有未便侃
侃爭論甚爲文廟所眷注七年十一年十五年十八年車

駕巡狩北京俱命扈行在尋進行在工部尚書詳兵部

虞謙字伯益直隸金壇人任杭州知府永樂初由大理寺卿永
樂七年陞右副都御史本年轉左恒曰爲臣之道愛君愛民故
所至以宣上德達下情爲務見後左副都

王彰詳右都御史永樂十年以戶部侍郎改右副都

國朝列朝紀卷之七十五終

國朝列卿紀卷之七十六

都察院左右副都御史年表

李

慶

順天順義人監生永樂十一年左十八年扈從陞行在工部尚書歷太子少保兵部尚書

王

彰

詳右都永樂十八年任右

虞

謙

直隸金壇人監生永樂十九年任左二十二年改大理寺卿

李

素

順天平谷人監生永樂二十二年任右宣德元年謫任福建按察使致仕

胡

廣

直隸廣德人監生永樂二十二年任右宣德五年謫福建右叅政卒於官

陳

勉

江西寧都人進士永樂二十二年任左宣德十年改南大理寺卿歷南右副都御史

戈

謙

山西代州人進士洪熙元年任右宣德元年爲民

賈

諒

山東嶧縣人鄉舉宣德五年任右正統四年卒

陳

鎰

詳左都宣德十年
任右出鎮陝西

王

文

詳左都正統三年任
右五年改大理卿

丁

璿

應天上元人進士正統
四年任右五年致仕

張

琦

山西孟縣人進士正統
五年任右本年卒於官

金

濂

直隸山陽人進士正統
九年陞刑部尚書歷戶部尚書

曹

翼

湖廣蘄州人進士正統
六年任右九年致仕

程

富

直隸歙縣人鄉舉正統
九年任右十年致仕

鄧

棨

江西南城人進士正統
四年死土木之難贈右都謚襄敏

王

暹

浙江山陰人進士正統
右景泰元年撫河南進右都御史

羅

通

詳右都正統十四年
任右督宣府軍務

寇深

詳左都景泰二年任左本年撫遼東

劉廣衡

江西萬安人進士景泰二年任右六年出征閩寇歷刑部尚書

徐有貞

直隸吳縣人進士景泰六年任左天順元年陞兵部尚書兼學士入閣封武功伯

寇深

見前天順元年任左

林聰

見右都天順二年任右

賈鈐

直隸邯鄲人進士成化二年任左三年致仕

滕昭

河南汝陽人鄉舉成化二年任右本年總漕歷兵部左侍郎

項忠

見左都成化三年任右四年出征陝西

王越

詳左都成化三年任右六年出鎮延綏

楊璿

直隸無錫人進士成化四年任右七年巡畿甸改河南巡撫

張

瑄

應天江浦人進士成化八年任右
本年出撫福建歷南刑部尚書

原

傑

山西陽城人進士成化九年任左十
二年巡視荆襄歷南京兵部尚書

程

宗

直隸常熟人進士成化十
四年任右本年出撫陝西

戴

縉

見右都成化
十五年任右

李

裕

見右都成化
十八年任右

屠

瀟

見左都成化
十九年任右

馮

貫

直隸蠡縣人進士成化二十一年任右二
十三年改大理寺卿歷南京工部尚書

邊

鏞

左都憲父直隸任丘人鄉舉弘治二
年任右三年陞南京刑部右侍郎

梁

璟

山西崞縣人進士弘治三年任本
年改南吏侍歷南京戶部尚書

翟

瑄

河南洛陽人進士弘治四年任右九
年陞南院右都歷南京刑部尚書

劉大夏

湖廣華容人進士弘治七年任左八年遷戶侍歷太子太保兵部尚書

陳紀

福建閩縣人進士弘治九年任左十年致仕

楊謚

河南祥符人進士弘治九年任右十一年遷兵部右侍郎

秦民悅

直隸舒城人進士弘治十年任左十一年遷吏部侍郎歷南京吏戶兵三部尚書

顧佐

直隸隰州人進士弘治十二年任右十六年遷戶侍歷戶部尚書

閻仲宇

陝西隴州人進士弘治十五年任左十七年遷兵侍歷兵部尚書

屠勲

見右都弘治十六年任右

張鸞

陝西咸寧人進士弘治十七年任右正德元年改大理寺卿歷刑部左侍郎

張鼎

山東歷城人進士正德元年任左二年陞南院右都

戈瑄

直隸景州人進士正德二年任右四年改南大理卿歷南京刑部尚書

李瀚

山西沁州人進士正德三年任左
五年遷吏侍歷南京吏部尚書

陸完

見左都正德
四年任右

王鼎

見右都正德
五年任右

王璟

詳左都正德
六年任右

楊綸

陝西安化人進士正德
八年任右九年致仕

金獻民

見左都正德
九年任右

陳天祥

直隸吳江人進士正德九年任左十一年
清理閩浙鹽法卒贈南京兵部右侍郎

趙鑑

山東壽光人進士正德十
一年任右轉大理寺卿

孟鳳

山東曲阜人進士正德十
一年任左詳南京刑部

顏頤壽

見左都正德
十二年任右

王時中

山東黃縣人進士正德十六年任右本年丁憂

王懋中

江西安福人進士正德十六年任右嘉靖元年陞南京都察院右都

劉玉

江西萬安人進士廣衡孫嘉靖元年任右三年遷刑部侍郎歷左侍郎

王時中

見前嘉靖三年任右四年遷兵行歷兵部尚書

張潤

山西臨汾人進士嘉靖四年任左六年閑住

劉文莊

陝西華陰人弘治己未進士嘉靖四年任右六年閑住

王廷相

詳左都嘉靖六年任右

熊浹

詳右都嘉靖七年任右

汪鉞

見右都嘉靖八年任右

唐龍

浙江蘭谿人進士嘉靖八年任右九年遷吏侍歷太子太保吏部尚書

周用

見左都嘉靖十年任右

王應鵬

浙江鄞縣人正德戊辰進士嘉靖十年任右十二年致仕

毛伯溫

見右都嘉靖十二年任右

樊繼祖

山東鄆城人正德辛未進士嘉靖十五年任右十六年遷兵部侍郎歷兵工尚書

宋景

詳左都嘉靖十六年任左

蔡經

福建侯官人進士嘉靖十六年任右本年總兩廣歷兵部尚書提督浙直軍務

秦鉞

浙江慈谿人正德甲戌進士嘉靖十六年任右十七年養病

党以平

河南鈞州人正德甲戌進士嘉靖十七年任右十八年致仕

張潤

見前嘉靖十八年任左

王泉

山東汶上人正德甲戌進士嘉靖十八年任左本年遷戶部尚書

王以旂

見左都嘉靖十八年任左

張珩

山西石州人正德辛巳進士嘉靖十八年任右二十年左本年爲民歷戶部尚書

胡守中

河南寧陵人嘉靖壬辰進士十九年任右二十年加兵侍經略居庸等關

周煦

江西安福人正德辛巳進士嘉靖二十年任右尋左二十四年卒

張景華

山東剡城人正德甲戌進士嘉靖二十年任右二十一年左出總漕運

端廷赦

直隸當塗人正德辛巳進士嘉靖二十四年補右未任

傅炯

江西進賢人嘉靖癸未進士二十五年任左二十七年遷刑侍歷南京刑部尚書

楊行中

順天通州人嘉靖癸未進士二十七年任左二十八年遷工侍

孫應奎

河南河南衛人正德辛巳進士嘉靖二十八年任左二十九年遷戶部尚書

梁尚德

江西星子人嘉靖丙戌進士二十九年任左三十年遷工侍歷南刑尚書

商大節

湖廣京山人嘉靖丙戌進士三
十年任左提督京畿本年下獄

王學益

江西安福人嘉靖己丑進士三十
年任左陞刑侍歷南京工部尚書

倪嵩

南直當塗人嘉靖己丑進士三十二
年任左陞戶侍歷南院右都御史

馮天馭

湖廣蘄州人嘉靖乙未進士
三十三年任左副都御史

趙大佑

浙江太平人嘉靖乙未進士
三十五年任左副都御史

鄧懋卿

江西豐城人嘉靖辛丑進士
三十七年任左副都御史

李憲卿

直隸崑山人嘉靖戊戌進士四十
年任左副都御史四十一養病

趙炳然

四川劍州人嘉靖乙未進士四十一
年任左副都御史本年出鎮浙江

毛愷

浙江江山人嘉靖乙未進士
四十二年任左副都御史

吳嶽

山東汶上人嘉靖壬辰進士四十四
年任左副都御史陞吏部右侍郎

王本固

直隸邢臺人嘉靖甲辰進士四十五年任左副都御史本年陞刑部左侍郎

李一瀚

浙江仙居人嘉靖戊戌進士隆慶元年推左副都御史以疾未任

曹邦輔

山東定陶人嘉靖壬辰進士隆慶元年任左副都御史

鄭世威

福建長樂人嘉靖己丑進士隆慶元年任左副都御史

何維栢

廣東南海人嘉靖乙未進士隆慶二年任左本年丁憂

鄒應龍

陝西長安人嘉靖丙辰進士隆慶三年任左四年陞工部右侍郎

魏學曾

陝西紫陽人嘉靖癸丑進士隆慶四年任左提督神樞營

陳瓚

直隸獻縣人嘉靖丁未進士隆慶四年任左陞戶部右侍郎

劉斯潔

直隸易州人嘉靖丁未進士隆慶六年任右副都御史

何維栢

見前萬曆元年再任

陳 焮 見左都萬曆元年任左

邵光先 山西長治人嘉靖己未進士萬曆三年任左五年陞兵部右侍郎

王 篆 湖廣夷陵人嘉靖壬戌進士萬曆六年任左八年陞刑部右侍郎

劉思問 河南孟縣人嘉靖丙辰進士萬曆八年任左本年陞刑部右侍郎

高文薦 四川成都右衛人嘉靖己未進士萬曆八年任左九年陞工部右侍郎

胡 欝 湖廣宜城人嘉靖壬戌進士萬曆九年任左十年陞刑部右侍郎

勞 堪 江西德化人嘉靖丙辰進士萬曆十年任左本年聽調後謫戍

陰武卿 四川內江人嘉靖丙辰進士萬曆十一年任左本年陞兵部右侍郎

丘 樞 山西諸城人嘉靖庚戌進士萬曆十一年任左

石 星 直隸東明人嘉靖己未進士萬曆十二年任左本年陞兵部右侍郎

耿定向

湖廣麻城人嘉靖丙辰進士萬曆十二年任左十三年陞刑部左侍郎

張岳

浙江餘姚人嘉靖己未進士萬曆十三年任左本年陞刑部右侍郎本年致仕卒

陳瓚

直隸常熟人嘉靖丙辰進士萬曆十三年任左十四年陞刑部右侍郎

李輔

江西進賢人嘉靖己未進士萬曆十四年任左十五年陞工部右侍郎

魏時亮

江西南昌人嘉靖己未進士萬曆十五年任左十六年陞工部右侍郎

詹仰庇

福建安溪人嘉靖乙丑進士萬曆十六年任左十七年陞刑部右侍郎

陳于陞

直隸曲周人嘉靖己未進士萬曆十八年正月由太常寺卿任左五月轉工部侍郎兼僉都督漕運

邵陞

浙江餘姚人隆慶戊辰進士萬曆十八年六月由左僉都陞任八月陞刑部右侍郎

周世選

直隸故城人嘉靖壬戌進士萬曆十八年由河南巡撫任左二十一年陞工部右侍郎

都察院左右副都行實

李慶字

順天府順義縣人洪武末年由縣學生貢入監

文廟靖難以潛邸知遇 特命署都察院右僉都御史事本年補

浙江紹興府知府永樂元年召為刑部右侍郎剛直敢為不畏
強禦未幾丁憂起復改都察院左副都御史理院事遇事有不
便侃侃爭論甚為 文廟所眷注七年十一年十五年十八年
車駕巡狩北京俱 命扈行在尋進行在工部尚書十九年定鼎
北京命兼署兵部事未幾改兵部尚書餘詳兵部

王彰詳右都永樂十八年以副都扈行在

虞謙字伯益直隸金壇人洪武二十八年由國子生權刑部山

西司郎中歷大理寺左少卿永樂七年陞都察院右副都御史
尋轉左恒曰爲臣之道愛君愛民二者愛君崇其德愛民厚其
生故所至以宣上德達下情爲已任嘗奉 命巡視揚州淮徐
旱災至則疏民疾苦請發廩賑貸官爲贖還所賣男女爲奴婢
者皆從之又奉命督兩浙蘇松諸郡運賦建議丁多而糧最少
者運北京丁多糧少次者運徐州丁糧俱中運南京淮安丁少
而糧多存留本郡縣倉十五年坐事免十六年復職十九年定
鼎北京改北奉 命巡撫浙江察廉糾貪建議便民十數事多
見施行事竣還院二十二年甲辰春 仁皇嗣位改爲行在大
理寺卿餘詳大理寺

李素字

順天府平谷縣人永樂初年由國子生擢山西道

監察御史朴實簡靜不炫風跡十年陞湖廣僉事十年進浙

江副使俱用刑平恕於民不擾十四年陞湖廣左叅政在楚甚

久雖建明未著而行守廉介楚人多宜之二十二年仁宗嗣

位召爲都察院右副都御史時左都劉觀貪濫恣肆紀綱蕩然

素不能規正事多依違而已宣德元年以事調福建按察使秩

滿致仕卒於家

胡廩字

直隸廣德州人永樂初年由國子生擢工科給事

中性果直遇事有爲於人不能容仁宗在青宮時特知其人

及二十二年嗣大統吏部推陞交趾僉事未行欽改都察院左

副都御史理院事宜德四年命往四川把總成造兼巡撫地方
五年回院六年以罪謫福建左叅政尋卒於官

陳勉字希進江西贛州府雩都人永樂丙戌進士擢四川道監
察御史爲人詳慎端方歷廣東副使有政績二十二年仁宗
嗣位以大學士楊士奇薦陞都察院左副都御史與右都顧佐
同心振紀臺中肅然又持身清白佐亦重之十年改南京大理
寺卿歷南右都御史詳南京都察院

戈謙字

山西太原府代州人永樂辛卯進士擢戶科給事

中骯髒勁直不折節下人遇國家大事知無不言雖逆天
威不輒避十八年陞行在大理寺右少卿二十二年仁宗嗣

位謙數言事至洪熙元年又因事直言 上厭其繁瑣尚書呂

震吳中都御史劉觀侍郎吳廷用等交奏其賣直沽名遂 召

大學士楊士奇等榻前語以謙之逾分楊士奇對曰謙不知大

體有之然其心感 陛下超擢之恩欲圖報効古人有言 主

聖則臣直惟 陛下容之不然進言者將懼矣 上雖不罪謙

然臨朝之際數形於辭氣又數日 上御奉天門楊士奇獨奏

事因進曰 陛下頒詔求言言不當者不罪戈謙不曉事激

聖怒數日朝臣皆悚駭相與以言爲戒今遠近 朝覲之臣皆集

闕下目見而口傳將謙之名愈彰而 朝廷受不容直言之謗

上惕然曰此固是朕不能容如呂震迎合以益吾過自今吾不復

言謙遂免謙 朝叅令專坐司視事自是一月餘朝臣言事者少 上特召楊士奇諭曰爾料事不虛自免戈謙朝言者不至 豈果無事可言對曰臣下孰不欲進言納忠惟在 上寬容以 來之 上曰朕非怒謙言事但其言亦有矯激過實者爾可語 衆人以朕之實心對曰此非臣言所能使之信必得 璽書親 諭乃見 聖德之實遂令士奇就榻前書 勅引過 命戈謙如 舊 朝叅令百官言事無以謙爲戒因 諭楊士奇曰朕有過 不難於改雖一時不能容終知悔之爾知朕之心無吝於言可 也未幾有言中官謝安四川伐木虐民者於是召戈謙 諭曰 爾本清鯁之臣朕今取清鯁用爾遂陞謙副都御史 賜鈔緡

馳驛詣四川罷伐木之役并糾察官吏等宣德元年回院以忤
旨罷爲民正統十四年土木之變 英廟北狩 郕王嗣位布衣
走 闕下疏前成山侯王通龍門致仕指樞審 真定同知阮
遷十三人皆奇才可用適報虜酋也先犯紫荆口時石亨爲時
倚重偕于尚書謙治兵土城外衆議欲以通副亨召謙等至左
順門通辭不預兵政久矣一旦以副人不能也謙則力言專用
通衆導之再四兩人持論牢不可動事遂已六科聞謙負重名
奏留之由是亦不報使通等拒稍却則皆任用矣後通雖復用
亦無大過人者不久竟卒謙亦累建白語侵時貴亦不久卒

賈諒字子信山東兗州府嶧縣人自幼卓犖穎拔異羣兒出邑

庠生應永樂辛卯鄉舉升大學 成祖特選侍 皇太孫說書

講論詳明深沐眷待 歲甲午擢刑科給事中十年陞刑科都給

事中 宣宗卽位五年陞都察院右副都御史委任既重愈知

敬慎凡所施爲務悖大體不事末節夙夜匪懈稱厥職初任刑

科體 朝廷欽恤之意微有冤抑卽以爲言或至再三必得請

乃已人或言其執奏太過諒曰近侍以言爲職苟知而不言其

如人之冤抑何江淮間賊徒操舟劫殺番使受 命往捕既至

以計悉擒之按行鈔法於京都人不知駭鈔以流通察察百職

發奸摘伏人不敢犯及居內臺詳讞重囚務求其生必底無可

生之理而後已會江右蒙民肆毒 命往按之得實悉寘於法

良善獲安川芻奸盜作梗惟捕其首惡餘黨解散及奉命督
山東等處陶冶奏減工程蠲免虛數民力以紓英宗卽位首
命往鎮湖湘撫緝有方陟黜惟允巡視淮濟賑活饑民十餘萬督
築固安隄河道疏通人不知勞後因徐州強賊反獄潛處芒碭
間肆爲民患復奉命捕治還至荏平遭疾正統己未正月十四
日卒於德州訃聞上嗟惋遣官諭祭命有司爲治葬事

陳鑑詳本院左都御史宣德十年任右副都御史

王文詳本院左都御史正統三年任右副都御史

丁璿字



應天府上元縣人永樂甲申進士改庶吉士除工

部主事坐事謫居潞河以修行聞起爲監察御史正統三年陞

都察院右僉都御史四年陞都察院右副都御史鎮撫貴州五年致仕

張琦字國器山西太原府孟縣人永樂甲辰進士

正統三年任行在工部右侍郎協理營建剛正不比五年陞都察院左副都御史本年卒於官

金濂字宗瀚直隸山陽縣人永樂戊戌進士正統五年任都察院右副都御史九年陞刑部尚書歷太子太保戶部尚書卒贈沐陽伯謚榮襄詳戶部

曹翼字湖廣黃州府蘄州人永樂甲辰進士擢監察御史

巡按陝西有風力正統四年陞都察院右僉都御史叅贊甘肅

軍務爲人正大御下以寬斥奸以嚴不阿權勢五年回院六年陞本院右副都御史協理院事九年致仕

程富字好禮直隸徽州府歙縣人永樂甲午中鄉試歸丁內外艱癸卯赴春官卒業成均 宣宗臨御三年大黜御史不職者

選國學才識之優者任之初授陝西道監察御史提挈紀綱鋤削豪猾康戊 命巡廣東其地阻隔山海使者往往憚之至不避瘴癘躬歷蠻區挺聚視民利病鋪太和以惠鯨寡用重典以威奸暴吏無乾沒之患民有莫安之樂院內舊有荔枝百樹門夫養豬鷄鵝以遺使需富曰是設餌也斧其樹夫畜遺歸官農賊貪土豪皆民害者悉去之不長權力聲威振動民到於今

稱之甲寅秋以江西歲連侵民不得安命往巡至則不解衣下
令拊鎮壙門悉出倉實與民活者不知其數樂安永豐新淦三
邑間有山大壘巖嶄巖嶺頑民曾子良妖術動眾聚至數萬柵
巖穴豎旗號爲永順王成國公太師萬戶都督等官焚劫殺人
其勢猖獗有司不能制會府以告或言宜招諭以安之富曰招
諭云者宜施於寇盜窮蹙之日今彼因民饑饉惑其心勢焰方
熾安肯輸服稍緩燎原爲患不淺此宜急擊時都司缺軍檄長
河都指揮吳堅領兵討之恐其弗敵調吉兵鳩民壯躬率抵賊
境爲援堅兵未至出榜諭以朝廷威德從違利害之故以携
離其黨賊恃衆蜂屯蟻聚來抗我師乃出奇敗之賊用出尤之

術又召術士開之戒衆以待曰霧散必來須臾賊果至富鼓進其勇自將擊之無不一當百賊不能支敗北乘勢擣其巢穴獲男婦數千餘人旣而堅兵會府兵繼至賊亦窮蹙盡俘其衆皆欲屠之富曰多被脅並槩而誅之豈仁義之師哉審放平民一千一十五人一郡寧謐謠曰程豸冠破大盤逆賊死吾民安奏捷 上降勅褒陞大理寺左少卿 賜紵絲二表裏鈔二千貫時江西苦造紙鑄錢二局爲奏罷之又奏免梳心杉樟等木二百四十餘萬以甦民困有十九人搶猶猪法司擬依強盜死罪富察知其寃曰此左氏所謂牽牛蹊人之田而奪之牛者釋而辯之及縫掖之士暨田夫村穉屠販隸卒二千餘人擁道遮留

請立生祠還署棘寺印平反庶獄民稱無冤正統三年進階中
憲大夫薦邑士江彥傑休寧汪永華以賢良進用明年乞假焚
黃上憫其孝思賜寶鈔路費既歸作壽藏於歙東之古城
關五年還京時甘肅缺叅贊在廷大臣合議富在江西殄滅大
盜足當是任召陞都察院右僉都御史出鎮張掖裁決軍務糾
察貪廉訪博識士以咨所疑定未來策以防急猝小事立辦大
事驛聞邊備由是井井上而總戎將佐下而部曲卒伍莫不畏
服富在邊凡軍民利病知無不言一日陝西行都司梁州等衛
城內多空地官豪占據軍士失住艱苦無訴乞取各城被占空
地盡撥與軍無房屋官爲蓋造俾得安生以養銳氣二曰沒官

田土加添稅糧不能及其子孫反貽鄉里之累自今籍沒產土
乞依時價買米上倉支放民免負累官無逋程三曰禦敵殄寇
全仗勇敢之士若非平日周養臨時何以責效甘肅梁州莊浪
等十四衛官軍多有勇敢之士精選另編隊伍全支月糧加賞
冬衣使異於衆遇有寇盜必收成效四曰蘭縣過河抵肅城堡
往年胡寇犯邊多被虜掠詳其所以不備操練故寇至不能抵
禦乞令空閑軍餘各給軍器每月操練十日令掌堡官管領遇
有緊急可相救護五曰古人立賢無方取士非一途而科貢舉
得人爲盛其間有文學者或迂於政事有政事者或劣於文學
若不廣求恐未得人乞凡遇科舉不拘名數但文可取者取之

會試亦然授職之後嚴加黜陟則人才得矣其言皆切中時務
六年辛酉代還理院事雲南連年征討麓川邊儲不給無功七
年壬戌命往區畫餉道崎嶇負戴者難之富謀於上下從違臧
否途董薄校羣聚樂趨糧芻充羨士無饑色民不告勞大功用
集八年癸亥就軍中陞左僉都御史甲子事竣還賜白金八
十兩紵絲八表裏鈔八千緡陞右副都御史無幾以驅馳南北
勤勞感疾明年上章乞歸故鄉於天順二年七月七日卒年七
十

鄧棨字孟擴江西建昌府南城縣人永樂十八年庚子應鄉試
明年辛丑登進士擢道監察御史在臺有能幹嘗奉勅

清軍伍威而不苛簡而嚴上不廢法下不拂民及巡按蘇松秉道振紀發奸摘伏不事紛更故吏雖畏而民益懷之正統三年以才譽陞陝西按察使操履清嚴下人莫之敢欺十年陞右副都御史巡撫陳公鑑以代還掌院事同心肅度多所裨益十四年北虜犯順太監王振勸英廟親征棗同吏部尚書王直等力諫不從遂扈駕北征至大同宣府屢疏回鑾言甚激切不報至土木之變從人曰駕不可回公可脫去棗叱之曰變輿不返何面目求活見人耶且追且駕遂遇害贈右都御史謚襄敏官其子瑞大理寺評事

王暹字景暘浙江紹興府山陰縣人永樂戊戌進士改庶吉士

授刑部主事歷官陝西右布政使正統十四年土木之變 英
廟北狩胡馬飲蘆溝京師戒嚴 上收用老成人以護根本驛
召還陞都察院右副都御史守正陽門嚴飭備禦虜不敢近時
遠邇軍民驚散聚城下嗷嗷待斃乃啓西直門悉放入賴以存
活者萬計尋 勅安撫順天等府及鎮守天壽山陵築立城堡
統軍剿賊遂奏罷被賊郡縣歲課物糧民安之景泰元年 勅
巡撫河南湖廣兼修築沙灣悉聽便宜行事累進右都御史仍
舊巡撫河南詳河南巡撫

羅通詳右都正統十四年任右

寇深詳左都景泰二年任右天順元年復任左

劉廣衡字克平江西吉安府萬安人永樂甲辰進士授刑部主事歷官陝西布政使景泰元年上以陝西邊務方殷陞都察院右副都御史鎮守關中至則感激自効條陳數十事皆安邊禦寇利國安民急務多見施行時邊報多警而從容裁處咸得其肯綮督修城堡七十餘處復奉勅轉輸軍餉數萬石於邊城適歲旱民饑因設法濟之俾不失所而公家之務亦辦尋召還治院事未幾復命往錄南京法司之獄多所平反既還有白金綵幣之賚至壬申秋復奉命糾察湖廣庶職之廉貪者凡所黜陟人服其公且條陳軍民利弊數事多見采納既還勞以羊酒時浙江福建民鄭懷曹子孝心等作亂特勅馳驛督

兵捕之至則賊已就擒乃察其嘯聚之故以山有銀場連亘深
僻賊得以潛伏其中卽命伐山通道具奏設縣治以便巡視其
患遂息已而守臣以所獲賊屬俱論謀逆報功希賞乃覆其實
得首惡者十餘人餘悉縱之事故而還 賜白金綵幣甚厚丙
子復奉 勅巡撫遼東提督軍務鎮靜不擾遠近悅服天順改
元陞刑部左侍郎八月遂進尚書詳刑部

徐有貞初名瑄字元玉直隸蘇州府吳縣人宣德癸丑進士改
庶吉士歷官翰林院侍講改監察御史復侍講景泰元年選充
經筵講官三年以易儲事轉左春坊左諭德仍兼侍講四年陞
都察院左僉都御史七年陞左副都御史掌院事八年以翊戴

功依舊職兼學士明日陞兵部尚書兼學士掌內閣事餘詳內閣

林聰見右都天順二年任右

賈銓字秉鈞先世山西之太谷人後徙居廣平至邯鄲賦有美質純謹敦厚寡言笑博通經史以書經領鄉薦永樂甲申進士擢刑科給事中尋掌科事彈劾無所徇當道憚之假薦舉出爲雲南大理府知府至任革去一切宿弊以興民利而冰蘖之操豈弟之政仁義之化聞於上下洽於遠近會征麓川興兵數年而大理當其要衝百需出焉銓區畫盡善事無不集而民無或擾時靖遠伯王驥總督軍務每見之輒爲加禮退而嘆羨不已

遂舉陞雲南布政司右叅政仍掌府事既而陞左叅政管司事
尋陞左布政使視之若已出行之不少緩民夷晏然天順四年
入覲賜宴陞都察院左副都御史巡撫山東未幾兼巡撫河南
往來二省便宜行事爲政率務其實而耻浮名或面稱其美卽
推而不受喻之曰此某同僚之所主而某受委任者之所行也
故人莫究所自成化二年 勅取回京司理都察院事繼掌院
章所存所發亦惟其素而人不忍欺三年六月因疾竟不起
朝廷遣官諭祭歸其喪造墳安葬謚曰恭靖

滕昭字自明河南汝州人正統辛酉鄉舉授監察御史時四川
都司有謀殺人獄累年不決 命昭往讞之遂服辜天順五年

擢都察院左僉都御史八年出撫遼東成化二年召陞都察院
右副都御史本年出總督漕運六年命巡視福建時上杭清流
之境有地曰紫雲臺鄧茂七之黨嘗據險爲亂昭乃相其要害
立歸化一縣以蒞之尋奉勅總督稅糧兼巡撫應天等處時
上海官貪黷甚昭徑按之悉置諸法列郡聞之皆震悚減秋糧
加耗益漕運費甚得軍民心松蘇諸處有馬馱沙最繁盛而寄
治江陰民苦往返昭復奏分靖江一縣民兩便之八年遷兵部
右侍郎轉左以致仕歸詳兵部

項忠見本院左都成化三年任右副都御史四年出征陝西

王越見本院左都御史成化三年任右副都御史六年出鎮延

國朝及身系
卷二十一
一
四百十六
綬

楊璿字叔璣直隸常州無錫人正統己未進士累官戶部右侍郎成化四年入謁改都察院右副都御史出撫荆襄後移巡撫河南詳河南巡撫

張璵字廷璽應天府江浦人正統壬戌進士歷刑部主事員外郎郎中吉安知府廣東右布政使轉左成化八年陞都察院右副都御史歷撫河南福建陞南刑部右侍郎進尚書詳南京刑部

原傑字子英山西陽城人正統乙丑進士擢御史歷江西按察使山東左布政使陞都察院右副都御史巡撫山東遷戶部左

侍郎巡視江西賊情成化十年回院轉都察院左副都御史十二年命經略荆襄以功進右都御史推南京兵部尚書未任卒

詳南京兵部

程宗字源伊直隸蘇州府常熟縣人景泰辛未進士授刑部主事成化十三年歷陝西左布政使十四年陞都察院右副都御史理院事本年出撫陝西詳南京工部尚書

戴縉見右都成化十五年任右副都

李裕見右都成化十八年任右副都

屠滂詳左都成化十九年任右副都

馮貫字大用直隸蠡縣人天順甲申進士擢御史歷大理寺左

右寺丞少卿成化二十一年陞都察院右副都御史協理院事
二十三年改大理寺卿陞南京工部尚書詳南京工部

邊鏞字克振直隸河間府任丘縣人景泰癸酉舉人擢御史征
遼有功陞南京通政司右叅議歷南京大理寺右少卿改右通
政轉膳黃左通政陞都察院右僉都御史巡撫山西丁憂弘治
二年起都察院右副都御史協理院事三年陞南京刑部右侍
郎詳南京刑部

梁璟字廷美山西崞縣人天順甲申進士擢兵科給事中陞兵
科都給事中陞左叅政右布政使陞都察院右副都御史
巡撫湖廣二十三年回籍起撫四川弘治六年回院管事本年

陞南京吏部右侍郎詳南京戶部尚書

翟瑄字

河南洛陽人天順甲申進士授奉化知縣擢御史

歷南京大理寺左寺丞成化二十三年陞都察院右僉都御史
弘治四年陞本院右副都御史俱協理院事九年陞南院右都
御史晉南京刑部尚書詳南京刑部

劉大夏字時雍湖廣華容人天順甲申進士授兵部主事員外
郎轉陞職方司郎中歷福建右叅政廣東右布政使浙江左布
政使陞都察院右副都御史使治張秋決河弘治七年功成轉
左回院管事八年陞戶部右侍郎詳兵部尚書

陳紀字

福建閩縣人成化己丑進士

弘治七年任都察院右僉都御史理院事尋出撫宣府陞右副都御史九年回院管事轉左副都御史十年致仕

楊謚字文寧河南儀封人成化己丑進士授崑山知縣擢浙江道監察御史丁憂起服補山東道陞太僕寺少卿改大理寺右少卿三年陞巡撫宣府都察院右僉都御史回理院事弘治九年陞都察院右副都御史協理院事十一年陞兵部右侍郎詳兵部

秦民悅字崇化直隸舒城人天順丁丑進士授行人陞工部屯田司員外郎歷廣平知府江西右叅政右布政使轉左陞都察院右副都御史巡撫順天進戶部右侍郎改吏部丁憂弘治十

年起都察院左副都御史佐理院事十一年仍改吏部詳南京
戶部尚書

顧佐字良弼直隸臨淮人成化己丑進士授刑部主事歷員外
郎郎中陞河間知府歷四川兵備副使大理左右少卿都察院
左僉都御史提督江防召理院事弘治十二年陞右副都御史
仍協理院事十六年陞戶部右侍郎後進戶部尚書詳戶部

閻仲字字

陝西隴州人成化乙未進士授鹽山知縣擢御

史歷山東副使浙江按察使左布政使陞都察院右副都御史
巡撫湖廣弘治十五年召理院事與左都戴珊協心一德獨振
風紀爲時表率十七年陞兵部右侍郎累官兵部尚書詳兵部

屠勳見右都弘治十六年任右副都御史

張鸞字應祥陝西咸寧人成化辛丑進士授大名知縣改南樂
擢御史歷浙江巡海副使大理寺右少卿陞都察院左僉都御
史協管院事弘治十七年陞右副都御史仍管院事正德元年
陞大理寺卿遷刑部右侍郎詳刑部右侍郎

張彙字

山東歷城人成化乙未進士授廬陵知縣擢御史

以言事謫郴州判官起河南僉事轉右叅政弘治十六年陞都
察院右僉都御史巡撫遼東十八年改撫宣府正德元年陞都
察院左副都御史佐理院事二年陞南京都察院右都御史掌
院事詳南京都察院

戈瑄字良玉直隸景州人成化乙未進士授嵩縣知縣擢御史
歷四川兵備副使山東按察使浙江右布政使江西左布政使
陞南京都察院右副都御史提督江防正德四年召入都察院
右副都御史理院事本年改大理寺卿詳南京刑部尚書

李瀚字叔淵山西沁水人成化辛丑進士授樂亭知縣擢御史
歷湖廣河南副使進湖廣按察使陞河南右布政使轉左遷順
天府尹陞都察院右副都御史總督漕運正德三年召本院左
副都御史理院事五年陞吏部右侍郎尋轉左詳南京戶部
陸完詳左都正德四年任本院右副都御史

王鼎詳右都正德五年任本院右副都御史

王璟詳左都正德六年任本院右副都御史

楊綸字

陝西慶陽府安化人成化甲辰進士

正德四年歷都察院左僉都御史巡撫宣府地方
五年閑住正德八年起都察院右副都御史協理院事九年致
仕陝志稱其沉靜篤厚不妄言笑至其蒞政振揚風紀人以清
白大夫稱之

金獻民見右都正德九年任本院右副都御史

陳天祥字元吉直隸蘇州府吳江人以戎籍隸京師選充順天
府學生弘治乙卯領鄉薦丙辰登進士試政禮部承徵采擇南
畿會典故實道吳江展先墓有祖田爲里豪所據至是悔罪願

遷天祥卻不受戊午授山東青州府推官敏於聽訟治獄無冤
屢爲部使所旌辛未徵拜山東道監察御史上言時政及條陳
邊務 老廟嘉納正德丙寅出按雲南風采懍懍有所興革兵
民甚宜之戊辰遷陝西西安府惠政及人頌聲載道屬久旱民
缺食天祥禱於神澍雨隨至是年大稔有麥三秀穗之祥秦人
謂天祥德政所致立生祠事之庚午擢山東按察司副使奉

勅整飭天津兵備時畿內叛賊劉六等鳩衆爲亂轉劫州縣敵殺
官兵齊魯河洛之區血流被野村落爲墟 朝廷命將出師久
未奏功天祥嚴令設備練兵卒守要害列營堅壘以待之有渠
魁龔大保等領健卒直犯天津界其鋒甚銳近畿震動天祥躬

率官兵迎戰衆殊死鬪無不一當百自旦至暮大破之擒斬七十餘名級巡按御史以聞降勅獎勵賜內醞十尊羊三牽加俸一級辛未進太僕寺少卿仍理兵備事已而劉六等謀取滄州不克賊衆議曰吾屬獨畏陳兵備乃潛分其黨水陸並進欲襲取天津則他處不攻自破天祥逆料其情益嚴號令分設伏兵截其要衝凡經行河隘立木椿貫以鍊索阻賊舟不得進復恐衆寡莫敵遣人馳奏上命都督張俊統領京兵一千貫名以來天祥與之協力攻勦賊衆大敗斬首二千餘級俘獲男婦七百餘人資畜器械無筭自是不復敢犯而天津遂爲京師鉅障云言官上其功晉都察院左僉都御史仍理兵備事賊平

徵還 朝癸酉奉 命巡撫貴州兼理軍務時苗洞諸蠻構亂
勢甚猖獗天祥至調各路漢土官兵分哨進剿苗衆大潰遂破
諸寨擒斬六千餘名級俘獲不可勝計孽苗聽撫疆土底寧捷
聞降 勅獎勵 賜白金綵幣甲戌召還協理院事宜大虜患方
劇廷議以山西三關地遠兵寡邊防不固虜嘗深入爲患會推
天祥提督經理至則軍令一新虜聞風遁去乃大修邊備增置
戍兵易將領事竣進左副都御史 召還京乙亥冬虜寇延綏
仍 命提督三邊軍務虜亦尋遁 賜蟒衣三襲加正二品俸
丙子召還戶部以兩浙福建鹽法久弛 國課不給議遣廷臣
督理之授 勅以行至浙而病歸吳江卒年五十五性直諒寡

合不輕然諾故知者樂親之而忌者亦多

大學士楊一清云公初以雲南陝西故見知於予天津事知之尤悉嘗嘆公宦轍所至赫有聲稱而平寇戡亂功尤焯焯在天津京師倚以爲重予方掌銓嘗欲移公他鎮僉謂此地不可無此人事平盜息言者或構不根之辭撼之上素知公置不問委任加隆焉人臣任事之難從古則然亦何足異哉

趙鑑字克章山東壽光縣人成化丁未進士正德十一年以清理闡浙鹽法在副都御史入視院事十三年轉大理寺卿詳刑

部尚書

臧鳳卽孟鳳山東曲阜人弘治甲辰進士歷河南左布政使正

德十一年丙子陞都察院左副都御史丁丑改撫順天詳南京
刑部尚書

顏頤壽見左都正德十二年任本院右副都御史

王時中字道夫山東黃縣人弘治庚戌進士授鄆陵知縣擢御
史謫戍起四川副使湖廣按察使陞都察院右僉都御史巡撫
寧夏地方正德十六年召陞右副都御史佐理院事本年丁憂
嘉靖三年起原職再任四年陞兵部右侍郎轉左詳刑部

王懋中字與時江西安福人成化甲辰進士授南樂知縣五年
歷南京刑部主事九年陞廣西司員外郎十二年陞雲南僉事
十七年陞副使丁憂正德二年補福建六年陞山東左叅政七

年轉本省按察使陞湖廣右布政使八年陞浙江左布政使九年陞都察院右副都御史巡撫雲南地方以言事忤權貴致仕會宸濠反與王守仁倡義有功起原職撫鄖陽改南院提督江防正德十六年改都察院左副都御史理院事嘉靖元年陞南京都察院右都御史掌院事奉勅官贈太子少保詳南京都察院

劉玉字咸粟江西萬安人弘治丙辰進士授輝縣知縣擢御史提督南畿學校忤逆瑾致仕正德六年起河南提學僉事陞福建提學副使歷大理寺左少卿南院右僉都御史轉左十六年改都察院左僉都御史理院事嘉靖元年陞右副都御史理院

事三年陞刑部右侍郎尋轉左以大獄閑住詳刑部

張潤字汝霖山西臨汾人弘治壬戌進士嘉靖四年由本院左
僉都御史陞本院左副都御史六年閑住十八年起原官詳南
京吏部尚書

國朝列卿紀卷之七十六終